

S 012899

韻四聲等子
鏡子

合訂本

弘道文化事業有限公司印



H114.9
901

S 012899



S9007416

四
聲
等
子



石景宜先生贈書

年 月 日

中華民國六十年九月臺一版

四聲等韻
鏡合訂本

定價新台幣貳拾伍元整

版權所有

翻印必究

編輯者：侯

發行人：朱

道

發行所：弘道文化事業有限公司
印刷所：弘道文化事業有限公司

名序

台北市南京東路五段一二三巷二弄一五號

電話：七一八八五七

郵撥帳號 一六二六三

本公司經內政部核准登記
登記證內版臺業字第一六七五號

欽定四庫全書提要

等謹案四聲等子一卷不著撰人名氏錢曾讀書

敏求記謂卽劉鑑所作之切韻指南蓋一經翻刻特易其名今以二書校之若辨音和類隔廣通偏狹內外轉攝振救正韻憑切寄韻憑切喻下憑切日寄憑切及雙聲疊韻之例雖全具於指南門法玉鑰匙內然詞義詳畧顯晦迥有不侔至內攝之通照遇果宕曾流深外攝之江蟹臻山效麻梗咸十六攝圖雖亦與指南同然此書曾攝入內八而指南作內六流攝此書作內六而指南作內七深攝此書作內七指南作內八皆小有不同至以江攝外一附宕攝內五下梗攝外七附曾攝內六下與指南之各自爲圖則爲例迥殊雖指南假攝外六附果攝內四之下亦間併

二攝然假攝統歌麻二韻歌麻本通故假得附果若此書之以江附宕則不知江諸東冬不通陽剛以梗附曾則又悞通庚蒸爲一韻似不出於一手矣又此書七音綱目以幫滂並明非敷奉微之唇音爲宮影曉匣喻之喉音爲羽頗變玉篇五音之舊指南五音訣具在未嘗以唇爲宮以喉爲羽亦不得混爲一書切韻指南卷首有後至元丙子熊澤民序稱古有四聲等子爲傳流之正宗然而中間分析尙有未明關西劉士明著書曰經史正音切韻指南則劉鑑之指南十六攝圖乃因此書而革其宕攝附江曾攝附梗之悞此書實非鑑作也以字學中論等韻者司馬光指掌圖外惟此書顧古故並錄存之以備一家之學焉乾隆五十二年正月恭校上

總纂官臣紀昀臣陸錫熊臣孫士毅

總校官臣陸費墀

四聲等子

切詳夫方殊南北聲皆本於喉舌域異竺夏談豈離於唇齒由是切韻之作始乎陸氏關鍵之設肇自智公傳芳著述以先知覺後知以先覺覺後覺致使立關有異妙旨不同其指立之論以三十六字母約三百八十四聲別爲二十圖畫爲四類審四聲開闔以權其輕重辨七音清濁以明其虛實極六律之變分八轉之異遞用則名音和徒紅切同字非字傍求則名類隔補微切同歸一母則爲雙聲和會切同出一類則爲疊韻商量切同韻而分兩切者謂之憑切求真切神字丞同音而分兩韻者謂之憑韻巨宜切其字無字巨祁切祈字則點窠以足之謂之寄聲韻缺則引鄰韻以寓之謂之寄韻按圖以索二百六韻之字雖有音無字者猶且聲隨口出而況有音有字者乎遂得吳楚之輕清就聲而不濫燕

趙之重濁尅體而絕疑而不失於大中至正之道可謂盡善盡美矣近以龍龕手鑑重校類編于大藏經函帙之未復慮方音之不一唇齒之不分旣類隔假借之不明則歸母協聲何由取準遂以此附龍龕之後令舉眸識體無擬議之惑下口知音有確實之決冀諸覽者審而察焉

七音綱目

角 徵

宮

商

羽

半商徵

牙音舌頭舌上唇重唇輕齒頭正齒喉音半舌半齒

全清見

經端丁知珍幫賓非分精煎照諄影因

次清溪

輕透汀徹聯滂粉敷翻清親穿春曉馨

全濁羣

乾定延澄陳並貧奉煩從前牀神匣賢刑

不清疑

銀泥年孌明民微文

喻寅來鄰日然

全清

心新審

半清半濁

邪錫禪純

辨音和切字例

凡切字以上者為切下者為韻取同音同母同韻同等四者皆同謂之音和謂如丁增切登字丁字為切丁字歸端字母是舌頭字增字為韻增字亦是舌頭字切而歸母即

是登字所謂音和遞用聲者此也

協

德字與曾字協聲在本帙第十
七圖會攝內八端下第一等中

四

登平等上澄去德入

聲

洪字與通字協聲在本帙第一
圖通攝內一匣字下第一等中

聲

洪平潁上哄去穀入

歸

德字屬舌頭音歸端字母

一

德特洪洪

母

洪字屬喉音歸匣字母

音

德特洪洪

謂如德洪切東字先調德字求協聲韻所攝於圖中尋德字屬端字母下係入聲第一等眼內字又調洪字於協聲韻所攝圖中尋洪字即自洪字橫截過端字母下平聲第一等眼內即是東字此乃音和切其間或有字不在本等眼內者必屬類隔廣通局狹之例與匣喻來日下字或不識其字當翻以四聲一音調之二者必有一得也

辨類隔切字例

凡類隔切字取唇重唇輕舌頭舌上齒頭正齒三音中清

濁者謂之類隔如端知八母下一四歸端二三歸知一四爲切二三爲韻切二三字或二三爲切一四爲韻切一四字是也假若丁呂切柱字丁字歸端字母是舌頭字在後內入殿口呼圖內端下第四等呂字亦舌頭字柱字雖屬知緣知與端俱是舌頭純清之音亦可通用故以符代蒲其類奉並如玉篇皮字作符羈切之類是也以無代模其類微明以丁代中其類知端以敷代他其類徹透餘倣此

辨廣通偏狹例

廣通者第三等字通及第四等字偏狹者第四等字少第三等字多也凡唇牙喉下爲切韻逢支脂眞諄仙祭清宵八韻及韻逢來日知照正齒第三等並依通廣門法於第四等本母下求之如余之切頤字碑招切標字

韻逢東鍾陽漁蒸尤鹽侵韻逢影喻及齒頭精等四爲韻

並依偏狹門法於本母下三等求之

居容切恭字
居懷切拱字

辨內外轉例

內轉者唇舌牙喉四音更無第二等字唯齒音方具足外轉者五音四等都具足今以深曾止宕果遇流通括內轉六十七韻江山梗假效蟹咸臻括外轉一百三十九韻

辨窠切門

知母第三爲切韻逢精等影喻第四並切第三等是也

如中

遙切
朝字

辨振救門

精等五母下爲切韻逢諸母第三並切第四是名振救門

法例

如蒼憂
切秋字

辨正音憑切寄韻門法例

照等五母下爲切切逢第二韻逢二三四並切第二名正

音憑切門如鄉靴切鑿字切逢第一韻逢第二只切第一名互用

門憑切切逢第三韻逢一三四並切第三是寄韻憑切門單喻母下爲切切逢第四韻逢第三並切第四是喻下憑切門又日母下第三爲切韻逢一二四便切第三是日母寄韻門法

辨雙聲切字例

謂如和會二字爲切同歸一母只是會字更無切也故號曰雙聲如章灼切灼字良略切略字是也

辨疊韻切字例

謂如商量二字爲切同出一韻只是商字更無切也故號曰疊韻如灼略切灼字章良切章字之類是也

明並滂幫				泥定透端				疑羣溪見				韻圖	
屬唇音 重具四 等				屬舌頭音 具二等 舌頭一在四等一 舌頭二在四等四 真二等 假二等				屬牙音					
非敷奉微				知徹澄孃				具四等				四等 四聲	
屬輕唇 音只具 第三等				屬舌上音 具二等 舌上二在四等三 真二等 假二等									
宮				徵				角					
此中字此中字屬 屬唇音重唇音 四一				此中字此中字 屬舌頭屬舌上 音一在音一在 四等一四等二				此中字此中字 屬牙音屬牙音 四一四二				四一 平上去入	
此中字此中字屬 重唇音 四二				此中字此中字此中字 屬舌上屬舌頭 音二在音二在 四等三				此中字此中字此中字 屬牙音屬牙音 四二四三				四二 平上去入	
此中字此中字屬 七輕韻唇音 四三				此中字此中字此中字 屬舌上屬舌頭 音三在音三在 四等四				此中字此中字此中字 屬牙音屬牙音 四三四四				四三 平上去入	
此第一等有輕無重 四四				此中字此中字此中字 屬舌上屬舌頭 音四在音四在 四等五				此中字此中字此中字 屬牙音屬牙音 四四四五				四四 平上去入	

精清從心邪		曉匣影喻		來日	
屬齒頭音 具兩等		屬喉音		屬半舌 半齒音	
照穿		具四等		具四等	
屬正齒音 具兩等		羽		商	
此中字 齒頭音		此中字 屬喉音		此中字 屬	
此中字 正齒音		此中字 屬喉音		此中字 屬	
此中字 正齒音		此中字 屬喉音		此中字 屬	
此中字 齒頭音		此中字 屬喉音		此中字 屬	